

6

5

4

3

2

1

20

9

8

7

6

5

4

3

2

1

JAPAN

10

9

8

7

6

5

4

3

2

1

Takara

1

4

3

2

1

1m

3

2

1

0

卷一之二

堪輿類

人物類

ル5
3398
1

蜀典
丙寅春二月
於晴雲窓畔
共六冊



卷之三

重刊
卷之三

三

門號 3398
卷 1

道光甲午年春鑄

蜀典

安懷堂藏版

蜀典序

蓋聞班經馬史實闡宇宙之奇蘇海韓潮特著文章之盛故立于千載以下溯乎百世以前或聞見傑池或季代牢蕩而欲華離其黑白襍組夫元黃作史家之外槩羅典藏之蘊奧括囊羣有縫總無遺蓋亦難矣惟我介侯老夫子蜀典一編窮歲塗之躰度記山水之源流辨物產之土宜傳耆舊之故實若觀火若列眉儲儲然眴眴然括原委而備具焉蓋因味衛得腴稟經製式集古今而化鏡辨貞亮以爲擎丹鳳五文神爽一角用是蜚聲蓮苑摛藻木蔓影視萼磳將貴長安之紙價班聯玉笋方新學士之頭銜詎知上青之冊府未窮雙闕之觚稜已遠藜火纔



分桃花待植牛刀欲試以治民鳳池何嫌其奪我于是攜來一
鶴遠駕黃驄著彼雙鳧遂投白筆芙蓉艷畔爭迎循吏之車濯
錦江頭咸仰使君之面是以午衙方散綜洞記以研心丙夜初
長肄藏經而練志是篇之佗恢恢乎見襄來之盛焉夫人跕躅
于方隅之內徵逐于名利之場而欲網羅舊聳參考載籍刪譌
傳亥豕每多附會之詞學乏丁鴻鮮有見聳之實我夫子十季
閱歷都勞雨露之心五夜旁接獨騁風雲之筆以言蒐時不徒
荀參井鬼西南首尾之當分也而年月災祥咸載焉言堪輿不
徒犍爲邛筰廣灌白馬之畺域也而古蹟事實胥備焉言人文
不徒司馬子雲文章詞賦之品節詳明也而流寓隱淪均列焉

言物產不徒火井鹽池鑫禽奇獸之光恠陸離也而器物動植
均悉焉他如弓頭虎子斂舞賓人無不指上分螺掌中見果壯
鳥衛蠶叢之嶮寫金贊石部之雄洞悉沈疑獨發曾中之錦全
鉤秘隱羣驚世外之珍不又與陳葛之耆舊傳常璩之華陽國
志先後媲美哉爾迺文星小謫畫景猶熙竟遂初心全消宦氣
鬱青霞之奇想極紫塞之壯游追史筆於龍門遊歸盡肆論文
章於庾信老去彌工其所著叢書各種俱已行世非天之厚以
林泉是天之資其著述也得質仰承衣鉢已有夙因幸附參芬
尤沾培植惟是頻年枯鑾有負桐知半畝荒邱又將茆塞遠望
曾風之及欣逢大集之頌纔接尼牆敢誇點瑟緣濡毫而記事

敢奮墨以弁言展牘流連以誌篇首

道光十三年八月初二日署富順縣事安縣知縣受業文

泉楊得質謹序



蜀典序

嘉慶十七年歲在壬申春 大吏請于 朝續修通志越二十二年丙子冬書成先是二十年乙亥之陽月余被檄署興文鉤篆才畢適苦河魚乞假六旬養疴敘郡困惄之中精神遐漂心勦形瘵靡所濟集聊欲繫志陳編以消駒景竊念蜀都文獻近世煙塵古也有志炳靈載英游目所及涉想所經輒用箸錄佐以援證毛滯之得恧贈友朋迨秋闈赴省志已刊布展閱鶯然嘆其掌錄之繁富也遂取所輯覆加審眎闕略宏多不復增益名曰蜀典以質鴻彥非以爲糾謬非以爲補遺錦里新聞旣慚成式岷山異事或幾台符聊備庸部之故實資儒林之公議云

蜀典

卷一

爾時

嘉慶二十三年正月十五日李威張澍纂

蜀典總目

目錄

堪輿類卷一上

卷一下

人物類卷二

居寓類卷三

宦蹟類卷四

故事類卷五

風俗類卷六

方言類卷七

蜀典

卷一總目

器物類卷八

動植物類卷九

著作類卷十上

卷十下

姓氏類卷十一上

卷十一下

卷十二

蜀典卷一上

李威介侯甫張澍編輯

堪輿類

蜀精辛象始自萇叔洛下文公圖緯尤篤山起于面江出其腹月鏡星橋漫官楊樸類而補之是曰碎錄

五亥

星經玉衡第二星主益州常以五亥日候之乙亥爲漢中丁亥爲永昌己亥爲巴郡蜀郡牂牁辛亥爲廣漢癸亥爲犍爲凡七郡今通志所引舛譌不全

赤雲

京房易傳赤雲如兔蜀國當富

蜀雲

史記蜀雲如囷倉星占蜀雲如車隨天文志蜀雲如晉志蜀雲如囷車

井絡

河圖括地象嶓冢之精上爲狼星岷山之精上爲井絡按蜀都賤卽用此二語志於天文門引作岷山之下爲井絡夫井絡星也何在岷山之下乎子文爲不通矣魏酈道元水經注宋計有功大禹廟記引括地象均云岷山之精上爲井絡也洛書甄曜度云汶山之地爲井絡帝以會昌神以建福上爲天井星其語

有分析

蓋州

釋名蓋院也所在之地險院也地理風俗記云蓼陽黑水爲梁州灌蒼帝元朔二年改梁曰蓋州以新啟緝爲牂牁越巂之疆壤蓋廣故稱蓋酈道元水經注引之春秋元命苞云觜參流爲蓋州蓋之爲言隘也謂物類并決其氣急切決烈矣劉熙蓋院之說蓋原於此

蓋州 蓋州郡

灌蓋州太守北海相景君碑言蓋州太守王世貞云蓋州當言刺史不當言太守桉灌時有蓋州又有蓋州郡蓋州蒼帝十九

年廢梁州置益州若益州郡開於丞帝元封二年叟夸反將軍郭昌討平之因置也郡有太守州有刺史刺史初治廣漢郡之雒縣後徙成都而太守自治漁池蜀漢建興三年始改益州郡曰建寧避州郡同名也蜀志以諸葛亮爲益州太守此益州太守非漢丞帝所開置之益州郡也丞帝所置之益州郡劉蜀時爲南中地蓋劉璋置益州太守與蜀郡太守並治成都郭下

蜀境

晉書陸機傳夫蜀郊境之接重山積險陸無長轂之徑川阨流迅水有驚波之艱

蜀土與秦同域

張華博物志蜀漢之土與秦同域南跨邛笮北阻褒斜西卽隈礙隔以劍閣窮險極峻獨守之國也

深土 沿土

河圖正南邛州曰深土西南戎州曰沿土

蜀城

王右軍法帖曰往在都見諸葛禹曾問蜀事云成都城屋樓觀皆是秦時司馬錯所修令人遠想慨然具示爲廣異聞李后詩序曰張儀司馬錯所築大城自秦惠王乙巳歲至宋紹興壬午一千四百八十七年雖積圮所存如斷壁峭立亦奇觀也

十八門

蜀都賤金城石郭兼市中區既麗且崇實號成都按後漢書注引張載注漢帝元鼎二年立成都十八門小雒郭門蓋其數焉周地圖記云漢元鼎二年大城立九門少城立九門故有十八門之稱揚雄賤都門二九左思賤闢二九之通門是也城宮傳進軍咸門注成都北面東頭門也又入小雒郭門其北面西頭門曰朔門或謂卽小雒門公孫述傳注成都北面有二門其西者名咸門其東有陽城門也常璩華陽國志張儀修整里闔張市列肆與咸陽同制左思蜀都賤結陽城之延閣注蜀門名李膺益州記少城有九門南面三門最東曰陽城門次西曰宣明門張儀樓卽宣明門樓常璩志又云直西門鄭江中沖治橋也市橋門今所謂石牛門也水經注西南石牛門曰市橋又云大城南門曰江橋門常璩志又云蜀王惲喪車至北門陷入地蜀人因名北門曰咸陽門太平寰宇記章城門今爲乘烟觀辛中記荆南高大王使邸務人丁晏令畫工李文才寫興義門內雙石筍十八門今祇考得十一其餘不見史傳地志莫可指實矣

禮殿門

爾雅翼蜀之禮殿門有漢世所圖麟鳳亦只一角獸耳

庸蜀羌羣微盧彭濮人

尚書牧誓庸蜀羌羣微盧彭濮人孔安國傳八國皆蠻夷羌在

西蜀叟戛微在巴蜀彭在西北庸濮在江漢之南按孔氏傳今人句讀多舛岳珂九經三傳沿革例羌在西句蜀叟句戛微在巴句蜀彭在西北句庸濮在江漢之南句最爲分明庸卽魚國夔州房陵上庸一帶地括地志房州竹山縣本漢上庸縣古之庸國晉周歲王伐紂庸蠻在焉左傳文公十六年庸人率羣蠻叛楚楚人伐庸七遇皆北惟裨儻魚人實逐之杜注魚庸邑卽魚復庸今上庸屬楚之小國後漢郡國志劉昭注魚復古庸國文十九年魚人逐楚師是也蜀卽叟漢書劉焉傳馬騰與劉範謀誅李傕焉遣叟兵五千助之董卓傳呂布軍有叟兵內反注定叟卽蜀兵也漢代謂蜀爲叟常璩曰夸人大種曰昆小種曰叟

漢書西羌傳西羌出自三苗姜姓之別也又云羌無弋爰劍子孫各自爲種卽歲都參狼廣漢白馬汶山冉駪巴中板楯今松潘茂州諸夸也戛卽旄牛種卽越巂夸西南夸傳天漢四年以沈黎郡并蜀郡爲置兩都尉一居旄牛主徼外夸延光二年旄牛夸叛攻靈關蜀志張嶷傳旄牛道絕已百餘年嶷賂其帥狼路通舊道千里肅清復古亭驛奏封路爲旄牛昫町王寧陽國志旄牛地在邛崍山表寰宇記通望縣有故旄牛城信呼爲牛頭城又云陽山縣臺登縣卽旄牛故縣地詩小雅如蠻如髦箋髦西夸別名歲王伐紂八國從焉疏牧誓曰及庸蜀羌戛微盧彭濮彼戛此戛音義同也是戛旄戛字通旄又通耄亦通斬也

唐貞觀時置髦州括地志云姚府以南古髦州之地楊用修謂髦卽叟誤矣又以髦徙斯叟竇爲一種尤誤考徙語斯本一種字相通李奇音徙爲斯遷紀元狩中發使者出驍出冉出徙出邛僰指求身毒卽此徙也司馬相如文云略斯榆卽徙陽遷屬蜀郡晉時屬灌嘉郡宋齊訛爲始陽寧陽國志邛都之初有七部後爲七部營軍後又有四部斯叟其一是斯卽邛部夸也竇在巴郡廩君之後爲彭夸不得與斯叟爲一張嶷傳有斯都耆帥李承殺越巂太守龔祿是斯非叟更非髦審矣微卽木耳夸九州要記越巂郡界千里有木耳夸常居木上作屋有尾長二寸若損尾立死若欲地上居則預窟穴以安尾蓋以此夸生尾

故謂之微微字與尾通書鳥獸孳尾古文作字微論語微生高人表作尾生高也水經注建興三年分益州爲建寧郡于溫水側皆是高山山水之間悉是木耳夸居土差平和而無瘴毒卽微夸之地矣盧卽瀘州戎今敘州長寧興文一帶夸皆是路史國名記瀘盧戎也古文作鱸又通作盧習鑿齒襄陽耆舊傳樂史寰宇記以爲中盧在襄陽縣西漳縣非也左桓公十三年屈瑕伐羅羅與盧戎兩軍之杜預亦誤爲中盧彭卽彭水夸國名記彭黔之彭水縣在忠州太平寰宇記彭山在建寧始縣九十里彭晉獠之姓也一云卽竇人郡國志竇人勁勇銳而善舞漢高帝募竇民定秦地是矣寧陽國志長老言宕渠爲古竇國

今有賓城唐志菴德元年分置賓城縣屬渠寰宇記故賓國城在流江縣東北七十里又云閭中有渝水賓民多居水左右是彭卽賓人括地志云戎府之南古微盧彭三國之地是矣濮卽百濮爲會無濮夸左傳麇人率百濮聚于選穎容釋例麋在當陽縣前漢地理志濮水出徼外東南至來唯入勞僕與濮同寧陽國志青蛉濮水出又云會無縣路通寧州渡瀘得住狼縣故濮人邑也今有濮人家冢不閉戶其中多珠人不可取取之不祥有元馬河其地出大竹亦謂之濮竹濮王會解之卜人也濮卜音相同尔定南至于濮鉛亦是濮夸羅泌云濮熊姓在三峽外左傳文公十六年麇人率百濮伐楚昭十九年楚子爲舟師

伐濮杜預以爲建寧郡南濮夸地釋例曰建寧郡南有夸無君長總統各以邑落自聚故稱百濮劉伯莊云濮在楚西南太平寰宇記云尾濮國一名木濮在興古郡木棉濮其土有木棉樹文面濮其信劙面而以青蓋之赤口濮其信子皆折其腰黑棘濮在永昌西南山居耐勤苦其衣服婦人以一幅爲裙或以貫頭丈夫以穀布此卽所謂百濮也

魚鳧

張勃吳錄云南有魚鳧國古蜀帝所都婁縣石首魚至秋化爲鳧魚鳧之名義斥此可求諸桉吳地記石首魚至秋化爲冠鳧

冠鳧頭中猶有后也蜀之先名魚鳧亦或以此耶溫江縣北十里有魚鳧城相傳古魚鳧所都

𦵹

蒼頡篇云𦵹音作地名在蜀亦人姓說文𦵹蜀地也徐鍇曰桉字書鄉名在臨邛桉邛州有瀘水原出大邑縣鳳凰山因出在大邑之瀘壩故名當卽李斯所言之𦵹也又大邑縣出瀘石其后在瀘河中形如卵色如松等最佳者如綠玉細潤可愛而人姓絕無聞瀘卽𦵹字

姑繪

漢書匈奴傳揚雄諫伐匈奴疏云探姑繪之壁師古曰姑繪謂西南夸種也在益州桉漢書孝昭始元元年益州廉頭姑繪民反殺長吏後三歲姑繪葉榆復反姑繪卽今建昌地繪作繪者誤

楊樸

桉呂氏春秋本味篇和之美者有楊樸之薑注楊樸地名在蜀郡崔駰七依洞庭之鮒灌水之鯀滋以陽樸之薑蔽以壽木之萼陽樸一作楊樸又桉在慈介象均以術取蜀薑於俄頃以佐鱸鯿之用則蜀薑之美尙矣故太史公亦言蜀有卮薑之饒也卮薑卽茈薑張楫云茈薑卽子薑也齊民要術注茈音紫四民月令生姜謂之茈薑或以卮爲梔子是二物

資州有諸葛亮桓溫舊道

周書陸騰傳資州盤石民反殺郡守據險自守州軍不能制騰率軍討擊盡破斬之而蠻獠兵及所在蜂起山路險阻難得掩襲騰遂相山川形勢隨便開道蠻獠畏威承風請服所開之路多得古名竝是諸葛亮桓溫舊道

七星橋

寧陽國志直西門鄭江上曰沖治橋從沖治橋西出曰長昇橋鄭江上西有永平橋又成都西南兩江有七橋長老傳言李冰造七橋上應七星故世祖謂吳灌曰安軍宜在七橋連星間李膺益州記一長星橋今名萬里二圓星橋今名安樂三璣星橋

今名建昌四夸星橋今名笮橋任預益州記作夸里橋五尾星橋今名禪尼六沖星橋今名永平七曲星橋今名昇仙李膺記與寧陽國志多不同也益州記又云沖星橋舊市橋也胡三省曰升遷橋卽升仙橋舊名七星橋寧陽國志昇仙橋亦不在七星之數水經注作沖里橋寰宇記萬里橋在州南二里亦名篤泉橋橋之南有篤泉

棧閣

名勝記陰平修路記云龍安棧閣在龍安東者凡八一曰石城曰佛崖曰麻園曰墓頤曰黃陵曰三店原曰七里曰飛仙在府東南者凡三曰石回曰興文曰猿臂在府東北者凡二曰秦隴

曰東閣在府北者凡九曰金鼓曰芭蕉曰楮株曰盧崖曰天井
曰桑坪曰兜索曰木蔬曰飛泉在府西北者凡十五曰金匱曰
桐油曰龍鳳一作隆奉曰胡空曰黃埂曰劉村曰鷺頂曰禪峰曰石
門曰仙女曰馬桑曰谿壩曰黑水曰羅谿漢曰羊腸舊志興
文閣在府東南三十里海棠舖山路盤束下臨急湍置閣其上
以通行旅又南巖閣在龍安府東六十五里明正德初修築平
坦可行棧通俗文云版閣曰棧廣疋棧閣也戰國策田單爲棧
道木閣迎齊王后於陽城山中史記高祖紀輒燒絕棧道索隱
引崔浩云險絕之處傍鑿山崖不施版梁爲閣也是棧閣古卽
有之不始蜀之棧閣也又淮南子本經訓延樓棧道雞棲井幹

是棧道宮室亦有之

邸閣

按鄧芝傳先主定益州芝爲鄆邸閣督先主出至鄆與語大奇
之擢爲鄆令又建熙十一年冬諸葛亮使諸軍運米集於斜谷
口邸閣魏延傳注夏侯楙鎮長安諸葛亮於南鄭計議延曰橫
門邸閣與散民之穀足周食也是邸閣者乃軍屯蹊要儲胥資
糧之所也如漢書董卓傳注獻帝紀曰帝出雜縉二萬匹與所
賣廄馬百餘匹宣賜公卿以下及貧民不能自存者李催曰我
邸閣儲侍少乃悉載置其營又張既傳酒泉蘇衡反既擊破之
遂上疏請治左城築障塞置烽燧邸閣以備胡西羌恐率眾二

萬餘落降又王基擊吳別襲步協于奇陵協閉門自守基示以攻形而實分兵取雄父邸閣收米三十餘萬斛又母丘儉文欽作亂王基與司馬景王會于許昌基謂宜速進據南頓南頓有大邸閣計足軍人四十日糧又孫策傳注江表傳曰策渡江攻劉繇牛渚營盡得其邸閣糧穀戰具又孫權傳赤烏四年夏遣衛將軍全琮略淮南渡芍陂燒官城邸閣收其人民又赤烏八年遣校尉陳勳將屯田兵及作士三萬人鑿句容中道自小其至雲陽通會市作邸閣又周飭傳謫曹休箋曰東主遣從弟孫奐治安陸城修立邸閣輦貲運糧以爲軍儲凡此皆見於漢末也鄧芝爲邸閣督其官當如關尉之類又按晉書武帝紀咸寧

三年六月水沒邸閣別倉水經注贛水歷釣圻邸閣下度支校尉治太尉陶侃移置此是倉廩名邸閣吳興記云邸閣池水灌田五百一十畝鱗羽涵泳芰荷交蔚唐聖厤元年縣令鉗耳知命修邸閣路是水上駕木爲路亦名邸閣矣

汝陽郡

齊書州郡志桓溫平蜀治江陵以臨沮西界水陸紓險行逕裁通南通巴巫東南出州治道帶蠻蠻田土肥美立爲汝陽郡以處流民

石饒縣

括地志曰苴侯都葭萌今利州蓋昌縣葭萌故城是蜀侯都蓋

州巴子城在合州石饒縣南故墾江縣也

胸膶

太平御覽引十三州志胸膶蟲名夔州多此蟲遂以名縣雲安之西三十里萬戶驛下橫石灘上土人云驛之左右胸膶故地也其音當讀蠹閨漢書注引云胸膶縣膶音蠹膶音閨其地下溼多胸膶蟲因以名縣故城在今夔州雲安西萬戶故城是也按胸膶曹全碑巴郡太守張納功德敘碑西嶽華山亭碑水經注雍勸闕均作朐忍漢地理志亦作朐忍小顏音劬晉地理志作朐膶後漢郡國志與地理志同說文新附朐字注云胸膶蟲名漢中有朐膶縣从肉旬聲攷其義當作潤蠹如順切膶字注

云胸膶也尺尹切按胸膶在巴東郡西二百九十里許氏云漢中中字誤衍三國志注引英雄記屯胸膶裴音云上蠹下如振反戴侗六書故云蚯蚓古謂胸膶戴顏說是徐氏謬也廣韻上聲準部朐字音尺尹切注云漢朐膶縣膶音閨去聲稟部膶字音如順切注云漢朐膶縣名朐音蠹二音倒互集韻朐字注云朐膶縣名或从匀信作朐非是其說亦誤

沈黎郡 汶山郡

困學記闡云大事記解題沈黎郡汶山郡地理志不載按地輿記漢武帝置郡既而罷之愚按黃霸傳入穀沈黎郡後漢祚都有傳武帝所開以爲祚都縣元鼎六年以爲沈黎郡至天漢四

年并蜀爲西部置兩都尉一居旄牛主徼外夸一居青衣主灌人水經注灌歲元封四年以蜀郡西部邛筰邛桉載東原曰此十四字不可適當作灌歲帝元鼎六年以蜀郡西部筰都置沈黎郡不得繫之元封四年也又越巂郡治邛都沈黎郡治筰都不得兼言邛筰明矣臣瓚曰茂陵書沈黎治筰都去長安三千五百五十里領縣二十一冉駢夸傳歲帝所開元鼎六年以爲汝山郡至地節三年省并蜀郡爲北部都尉靈帝時復分蜀郡北部爲汝山郡原注宣帝紀地節三年十二月省汝山郡并蜀寧陽國志天漢四年罷沈黎置兩郡都尉一治旄牛主外羌一治青衣主灌民與後灌筰都夸傳合後灌冉駢夸傳裁汝山郡

靈帝時置太康地志以爲蜀灌復立非也

安上縣

蜀志張嶷傳郡自丞相亮討高定之後叟夸屢叛太守不敢之郡只住安上縣去郡八百餘里按唐志歲德元年置安上縣七年改爲朱提是安上卽今屏山縣地通志引作安定者誤

鄭鄉

說文鄭廣灌鄉也國名記蔓今鄭也廣灌有鄭鄉

鄖鄉

王篇鄖蜀鄉名廣韻烏渾切集韻烏昆切並音溫

羊渠縣

宋書州郡志南浦縣蜀建興八年益州牧閻宇表改羊渠立南浦何志云吳立羊渠縣今通志引云南浦縣蜀建興八年益州牧嚴字表改羊渠立羊渠不詳何志新立句錯訛不可讀蜀鑑云三國羊渠縣蓋置於羊飛山山下

學縣

集韻學祖似切音子縣名在犍爲校各地理志犍爲無學縣也

漫官縣

南齊書州郡志汝山郡有漫官縣

雷番

雷波舊爲屏山縣地乾隆間改設通判仍隸敘州府元史地志

雷波作雷番桉番與波字通也尙書榮波旣豬古文作榮播旣都周孔職方氏其侵波溠鄭注云波讀爲播禹貢曰榮波旣都史記正義播亦音波是波播古通矣又番古音皮詩十月之交番維司徒班固人表作司徒皮鄭箋皮本作番番氏也白壤魯國記靈帝末有汝南陳子逸爲魯相太尉陳蕃子也國人爲諱改曰皮地理志魯國蕃縣應劭音皮黨錮傳蕃嚮李賢注音皮鄭康成孔注皮樹今文爲繁豎繁卽皮字也又皮古音讀婆番亦讀婆史記番君是番又讀潘河渠書河東守番係是又音播班超傳疏勒都尉番辰是番又音蒲史記番吾地理志作蒲吾是范成大吳船錄謂蜀中稱尊者曰波祖及外祖皆曰波隨史

萬歲征西南夸過此嘗書雷波山三字鐫於石壁今猶存雷波山名也

百丈縣

李膺記臨邛縣南北二十里至百丈卽其地圖經云有一穴口方圓一百尺深百丈卽王陽行部至此興嘆之處樂史云百丈縣本嚴道縣地又有百丈水

峨眉山藥

孔子圖記峨眉山有仙藥漢武帝遣使者祭之欲致其藥不能得

子桐山

山海經東山經云子桐之山子桐之水出焉郝懿行箋疏校玉篇引司馬相如梓桐山賦云礧崿疑卽此山也梓子聲同桉長卿蜀人所賦者宜是梓潼山梓潼王莽改曰子同矣

女几山

中山經岷山之首曰女几之山其上多石涅其木多杻櫟其草菊荒洛水出焉東注於江其中多雄黃其獸多虎豹畢中丞沅云女几山在今四川雙流縣淮南子天文訓日回于女紀是謂大遷隨書地理志蜀郡雙流有女伎山紀几伎三字音同也許叔重說文作峴山

岷山

太平寰宇記王羲之與謝安書曰周益州書述蜀中山川如岷山夏含霜雪校之所聞崑崙之仲也

岷山

中山經岷山江水出焉

注岷山今在汶山郡廣陽縣西大江所出

東北流注於海其

中多良龜其上多金玉其下多白珉其木多海棠其獸犀象多
夔牛其鳥多翰鷺說文云嶓山在蜀湔氐西徼外地理志云蜀
郡湔氐道禹貢嶓山在蜀郡湔氐道西徼外江水所出東南至
江都入海水經注岷山卽瀆山也又謂之汶阜山在徼外江水
所導也按汶山郡漢武帝所開宣帝省并蜀郡見後漢書西南
夷傳漢江縣晉改爲廣陽縣屬汶山郡見晉書地理志廣雅

蜀山謂之岷山蜀讀爲獨字或作瀆史記封禪書郊祀志竝云
瀆山蜀之汶山也山海經穆天子傳易林竝作文山

岷山崩

東方朔傳曰孝武皇帝時未央宮前殿鐘無故自鳴三日三夜
不止詔問太史待詔王朔言恐其氣更問東方朔曰臣聞
銅者山之子山者銅之母以陰陽氣類言之子母相感山恐有
崩弛者故鐘先鳴易曰鳴鶴在陰其子和之精之至也其應在
後五日內居三日南郡太守上書言岷山崩延袤二十餘里樊
英別傳曰漢順帝時殿下鐘鳴問英對曰蜀岷山崩山於銅爲
母母崩子鳴非聖朝災後蜀果上山崩日月相應二說微異

竦山

中山經云竦山江水出焉注邛崐山今在漢嘉嚴道縣南江水所自出也東流注大江其湯多黃金其陰多麋麈其木多檀柘其草多鰐韭勻蒟空奪桉漢地理志蜀郡嚴道邛崐山邛水所出東入青衣郡國志蜀郡嚴道有邛僰九折坂劉昭注引寧陽國志邛崐山今名邛笮水經注竦山邛崐山也在漢嘉嚴道縣一曰新道南山有九折坂夏則凝久冬則毒寒平恆言是中江所出矣又按酈氏言竦山中江所出郭云南江所出者蓋據海內東經南江出高山之文也初學記引此經作峽山邛水出焉峽蓋竦字之譌

崛山

中山經崛山江水出焉注崛山北江所出東流注於大江其中多怪蛇多鰐魚其木多檣杻多梅梓其獸多夔牛麋麋犀兕有鳥焉狀如鶴而赤身白首其名曰竊脂可以禦火畢氏云海內東經云北江出曼山今四川名山縣西有蒙山曼蒙音相近疑是也沫水經此卽郭所云北江與安郡國志云蜀郡漢嘉有蒙山劉昭注引寧陽國志有沫水從西來入岷江又從岷山西來入江合郡下青衣水入大江水經云沫水與青衣水合東入於江李善注江賦引此經沫水卽涐水一作溼亦卽元和志之浮圖水也

高梁山

山海經高梁之山其上多堊其下多砥礪其木多桃枝鉤端有

草焉狀如葵而赤萼莢實白樹可以乘馬畢氏云山在今四川劍州北太平寰宇記云劍門縣大劍山亦曰梁山山海經高梁之山西接岷崐東引荆衡樂史所引山經與今不同且與山經本文不類

三危山

水經云江水又東過江陽縣南洛水從三危山東過廣魏洛縣南按此三危山非敦煌之山當在四川省不知係今何山信失其名矣或卽什邡縣西北之章山一名雒通山者李少導洛在此山

五峴山

左思蜀都賦躡躡五峴之蹇產注犍爲縣南有五峴山在越巂界五峴山在犍爲縣一山有五重故名按揚雄蜀都賦五峴參差郡國志注五峴山一山而五里里字誤當作重字今名五支山

斗山通音城

開山圖云斗山凡五穴一通崑崙一通隴山一通巫當山一通青城山一通長安穴按斗山在城固縣南五里有唐公昉飲李八百仙酒全家拔宅之跡漢乾祐中翰林學士王仁裕爲節度判官常以片板題詩於觀後仁裕入蜀因謁嚴真觀見斗山詩碑在焉詰道流云不知所來舊說山斗一洞西去二千里通于青城大面山又異嚴真觀并相通也見玉堂閒話

奇章山

奇章山蜀巴州之縣梁普通六年置取縣東八里奇章山爲名隋唐志通典九域志輿地廣記皆云其章誤也經通典作奇章隋牛弘封奇章公僧孺其後也柳公綽呼僧孺爲奇章公以此今四川保寧府巴州東境有奇章廢縣保寧在隋爲清化郡奇章在唐屬巴州寶歷元年省大中元年復置

若水

世本若水允姓國昌意降居爲侯水經注若水出蜀郡旄牛徼外東南至故關爲若水也注若水之生非一所也黑水之間厥木斯植故水受其稱焉九州要記越巂之登臺有雙諾川鸚

山黑水之間若水出其下卽黃帝昌意降居於此杜預以昌意所封在鄀鄀乃襄州樂鄉非是按若水卽瀘水也瀘爲若水之下流歐陽志曰馬湖之上流卽若水也

郪江

說文云郪重衣也从衣執聲巴郡有郪江縣按今地理志郡國志皆作墊江縣據孟康云音重疊之疊知篆書本不作墊江也郪江縣在重慶府合州嘉陵江涪江渠江會於此入大江如衣之重複然故以郪江名縣

鄖江

說文鄖蜀郡江原地集韻水名在蜀水經注巫陽光巫謂之士

大夫郡有鄖江入焉出江原縣首受大江東西流至菑陽縣注于江寰宇記鄖江一名阜里水出麌金

汶江卽岷江

王伯厚困學記聞云考工記貉踰汶則死先儒皆以汶爲魯之汶水非也列子釋文云按史記汶與岷一作岷謂汶江也今江邊人云狐不渡江貉狐類也踰越大水則失本性按說文史記冉駢爲汶山郡類篇云汶音岷又史記引禹貢岷嶓既蓺及岷山之陽岷山導江皆作汶蓋古字通用史炤釋文以汶爲忘運切音問今人遂相沿讀爲問謬矣楊正衡晉書注汶山亦作嶓山廣韻十真韻有汶字峩巾切音旻

闕水

十三州志犍爲符闕水南至鼈入江水此水經注所引太平御覽引云黯水出符縣南與溫水會卽闕水也與鼈水合

白水

山海經白水出蜀而東南注江註色微白濁今在梓潼白水縣源從臨洮之西西傾山來經沓中東流通陰平至灌壽縣入潛郝懿行箋疏按地理志云廣灌郡甸氏道白水出徼外東至葭萌入灌水經河水註云洮水與墊江俱出岷臺山山南卽墊江源山東則洮水源引此經云白水出蜀又引郭注云從臨洮之西傾山東南流入灌而至墊江故段國以爲墊江水也岷臺西

傾之異名也今按酈氏說墊江卽白水所引郭注與今本異未知其審又水經漾水注云白水出於臨洮縣西南西傾山水色白濁東南流與黑水合云云又東南于吐費城南卽西晉壽之東北也東南流注西漢水西晉壽卽蜀王弟葭萌所封漢昭烈帝改曰漢壽太康中又曰晉壽云云與郭注及地理志俱合是白水流入西漢水郭云入潛潛卽漢也尔疋云水自漢出爲潛是矣此經云白水注江所未詳或江卽墊江也白水在今四川昭化縣界入於漢昭化卽葭萌地也經又云入江州城下郭注江州縣屬巴郡懿行按此言白水入江之地也經文城下二字蓋誤衍今四川巴州亦古江州地西北與昭化接境地理志云

巴郡江州墊江二縣蓋白水入漢而至江州又爲墊江水正與水經注引郭注至墊江之文合

蜀典卷一下

蜀井

揚州職方志云廣陵蜀岡上有蜀井曰蜀井言水與西蜀相通
茶品天下水有二十種而蜀岡水爲第七

合江水

太平寰宇記合江之水可淬劍桉涪江之水亦可淬劍錦江之
水可濯錦也

粉井 粉水

廣志臨邛有粉井得其水汰粉則益光寧陽國志江州有清水
穴巴人以此爲粉則膏澤鮮芳貢粉京師因名粉水世謂之江

州墮林粉是粉井粉水同楚筑陽之水也樂史謂錦江一名粉水以此水作粉鮮潔異於他水是蜀有三粉水矣

浪井

唐書貞觀十九年六月辛未浪井出于邛州龍興觀之平地五色彪炳

六時水

方輿記蜀青城有延慶宮西常道觀其南有六時水六時灑水以代刻漏于陽時卽灑然而下陰時無晝夜凡六灑水故名六時水也按異錄記六時水在青城山宗元觀有二里對觀有峭厓高五百餘丈厓上授道壇昔寧真君與軒轅帝傳道之所每

每日六時厓上自然有水出至今不絕又一引方輿勝覽云陰時卽飄然而灑陽時則無不知何據疑字互倒耳呂汲公詩嚴輝萬古照泉漏六時飛京鏗詩八千里隔東西境十二時分晝夜泉卽指此仙經云青城山此是第五洞天上有流泉懸澍一日三時灑落謂之潮泉又與方輿記所謂六時水者異

泉苦辛

河圖括地象梁州商徵接其氣剛勇人聲塞其泉苦以辛

聖泉

寰宇記蜀彭陽有聖泉水碧色患瘡疾者洗之多愈投銀卽成金色孕婦飲之墮胎俗以爲聖泉

星墜化井

晉書司星奏曰三台星墜於蜀化爲三井遣使人驗之撞麗譙鐘聲爲度而汲之各使人候於井遂汲一而兩動按成都志云三台井在天慶觀內隨文帝夢三台星隕於西南化爲井遣人潛訪未護有道士馮善英者修池得二井每汲一水則二井皆動以晉爲隨傳聞之訛當以晉書爲正

離峯

史記河渠書漢地理志云周赧王十四年秦蜀守李冰鑿離峯避沫音末水之害水經注曰沫水自蒙山至南安西者作而詎溷崖水脈漂疾被害舟船歷代爲患蜀郡太守李冰鑿平溷崖河神龔

怒冰乃操刀入水與神鬪遂平溷崖通正水路華陽國志云青衣有沫水出蒙山下伏行地中會江南安觸山脅溷崖水脈漂疾被害舟船歷代患之冰發卒鑿平溷崖平正水道按溷崖卽離峯也在今嘉定卽南安也離峯卽烏牛亦謂之烏尤顏魯公記謂在新政新政今閬中洪氏隸釋云在夾江王象之輿地紀勝云離峯有二處一在永康一在沈黎元和郡縣志云在雅州近人謂名山南部蒼溪三縣皆有之明史地理志以湔堋江爲離峯是謂在灌縣矣均屬廩說夫知鑿離峯爲避沫水卽可知離峯之定所矣隸釋有漢南安王君平鄉道碑云永元六年南安長扶風王君遣掾何童史道興取崖通道馳駢無所畏難所

平之碓卽離峯也尤可見離峯之在嘉定矣前灌溝洫志作離
峯晉灼云峯古堆字岸也河渠書作離碓晉書胡奮傳作離堆
桂陽太守周憬碑作犁魋

玉女房

李膺益州記青衣神号雷堆廟固以爲離堆下有石室名玉
女房蓋此神也按玉女房卽今大佛崖洞也而常璩寧陽國志
云李冰西於玉女房下白沙郵作三石人立水中是以玉女房
在灌縣也太平寰宇記玉女房在導江縣其房鑿山爲穴深數
十丈中有廊廡堂室屈曲似若神功非人力矣今毀是以玉女
房在彭縣也任豫益州記閬中盤龍山南有石長三十丈李膺
作四

丈高五尺當中有戶及扉李膺作有
戶及扇若人掩閉古老以爲玉女
房在閬中也常璩李膺樂史任豫皆不知離堆之所在故說玉
女房不審當以孟堅之說爲確梁州記肥城東南有玉女山山
上有一石穴若房有玉女八人不出穴前修竹下有石壇述異
記利州義城郡葭萌縣有玉女房蓋是一大石穴也昔有玉女
入此石穴前有竹數莖下有青石壇每因風自掃此壇玉女每
遇明月夜卽出於壇上閒步徘徊復入此房是以玉女房在昭
化也又桉水經注茲水出南山茲谷逕玉女房則在陝西盩厔
此又一玉女房也郡國志張陵於此得鹽井祠玉女於井內

魚符津

蜀郡賤注曰魚符津廣數百步在犍爲縣北三十里縣臨大江岸傍山嶺相連經益州郡有道廣四五尺深或百尺塹鑿之迹今存昔唐蒙所造按續漢書犍爲郡南安縣有魚涪津在縣北臨大江南中志魚涪津廣數百步吳漢與公孫述將魏黨公孫永戰於是津大破之卽今之义魚子也太平寰宇記記魚鳧津蓋鳧與符通如鳧茈作符茈也一作魚泣津郡國志作魚涪津又作漁涪津非矣

青衣逋通洞庭

梁四公記洞庭穴有四支一通洞庭湖西岸一通蜀道青衣浦北岸一通羅浮兩山間大溪一通枯桑島東流按任昉述異記

云洞庭穴西達峨眉與四公記所言同

城湍灘

渝州圖經渝州城灘在州西南三十里江津縣東北沿流入十里岷江水中波浪沸騰乍停乍發多覆舟之患古老傳昔有先尼和來爲巴州刺史過此灘舟翻溺而死和女與兄圖行女有兩兒方稚齒乃分金珠作二錦囊縷致兒頸然後乘船至父沒處叫聲投水凡六日與兄夢云二十一日與父俱出兄令人守之至期果然俱浮江水而出今碑在城灘側按寧陽國志先泥和乃符縣長趙祉所遣之吏拜檄巴郡守非尼和爲巴郡太守也水經注亦云然是圖經言尼和爲巴州刺史者誤矣又常璩

言溺死成瑞灘酈道元水經注范書均作城湍灘蓋灘去城不遠當作城湍爲是圖經云今碑在城灘側水經注亦云郡縣爲之立碑是道元依碑爲說而圖經復舛謬乃妄人讀碑不審也

雷堆 鹽溉

寧陽國志南安縣治青衣江會有名灘二曰雷堆曰鹽溉李公所平也水經云漢河平中山崩地震江水逆流懸溉有灘名壘亦曰鹽溉李冰所平也益州記青衣神号雷堆廟班固以爲離堆桺壘即雷堆據常璩說雷堆鹽溉係二灘酈道元說卽一灘而李膺之記又以爲卽離堆也近刊寧陽志作雷垣鹽溉誤

千頃池

南中志曰朱提縣有大淵池水名千頃池西南二里有堂狼山多毒草盛夏之月飛鳥過之不能得去蜀都賦注曰有靈池在縣南數十里周四十七里前漢地理志注應劭云朱提山在朱提縣西南桺朱提縣卽今屏山縣地朱提山今在雷波地界漢置堂琅縣因堂琅山而名寧陽志作螳螂卽今之黃螂巡檢司地琅狼螂字相通也晉文恩治益州堂琅羌叛恩率兵討平之寧州刺史王遜遣姚嶽敗李驥於堂琅卽此地太康地理志章武元年先帝以犍爲屬國爲朱提郡鄧方爲都尉先帝因易名太守領漢陽等五縣朱提縣治有千秋池千秋池卽凌波池也

亦卽千頃池池卽馬湖在屏山縣西南三百八十里湖居山頂四圍有峻崖東之長二十里中有島如螺髻可居四百餘人土人謂之海包去金沙江二里其水并江流同消長日夕作潮相傳有龍馬見於此季漢置馬湖縣也

青城仙館

仙傳拾遺嵩山叟晉時人也世說云嵩山北有大穴莫測其淺深百姓每歲遊觀其上叟嘗悞墮穴中同輩冀其儻不死投食於穴墮者得而食之巡穴而行十許日忽曠然見明有草屋一區中有二仙對碁局下有數盆白飲墮者告以飢渴碁者與之飲飲畢氣力十倍碁者曰汝欲留此否曰不願停碁者教云從

此西行數十步有大井井中怪異多慎勿畏之必投身井中井多蛟龍見叟輒避路于是墮井而行井中物如青泥而香美食之了不飢半年許乃出蜀青城山因得歸洛問張華華曰此仙館大夫也所飲者玉漿所食者龍穴石髓子其得仙者乎遂尋洞往不知所之今中記曰蜀郡青城山有洞穴分爲三道西北通崑崙茅君傳云青城是第五洞九仙寶室之天周迴二千里十洞天之一也入山十里得至焉

烏奴山

德陽縣志有烏奴山按齊建元二年晉壽民李烏奴引氐寇梁州豫章王嶷遣中兵參軍王圖南將益州兵從劍閣掩擊之梁

南秦二州刺史崔景發州兵屯白馬與圖南腹背擊烏奴烏奴敗保達興是烏奴山以人名也

諭官川 薄哩川

唐書地理志戎州開邊縣注阿夔部百八十里至諭官川又經薄哩川

周夷王墓

按世本竹書史本紀世族謐皆言夸王名變古今人表作夷王摺當別有據而太平寰宇記云夷王墓在彭州九隴縣寰宇記又云在蒙陽縣西北二十里不知夷王何緣葬蜀也疑是榮夷公墓訛爲夷王夷公封榮卽今之榮昌縣

杜康墓

桉書酒誥正義引世本云杜康作酒初學記太平御覽引世本云少康作秫酒又引云少康作箕帚說文帚字下注云古者少康作箕秫酒卒葬長垣少康卽杜康也文選注引博物志亦云杜康作酒王著與杜康絕交書曰杜康字仲寧漢時爲酒泉太守或云黃帝時人卒葬長垣今四川彭縣東有杜康墓陝西白水縣志杜康墓在縣西十五里墓側尚有遺槽而集仙傳以康爲延陵人弟茂才傳兄醞法亦能造濁醪江寧承天寺地卽其兄弟宅基皆出於壠會也謝氏詩源云杜康造酒因名酒曰杜康會客論畧云杜康善造酒以酉日死故酉日不造酒

揚雄墓

按文選注七畧云子雲家牒言以甘露元年生揚雄死弟子共爲起墳號曰揚冢宋敏求長安志按揚雄家牒云子雲以天鳳五年卒詔陪葬安陵阪上所厚沛郡桓君山平陵如子禮弟子鉅鹿侯芭共爲治喪諸公遣世子朝郎吏行事者會送桓君山爲歛賻起祠塋侯芭負土作墳號曰孚冢桓譚新論雄爲中散大夫病卒無以辦喪事以貧困故葬長安妻子棄其墳墓而歸於蜀則雄墓在長安也四川通志乃云雄墓在鄭縣西二十里誤矣又按侯芭在長安從子雲學未嘗入蜀也志流寓類列之更非

相如宅

王褒益州記司馬相如宅在州西笮橋北百許步李膺云市橋西二百步得相如舊宅今梅安寺南有琴臺故墟

鐵祖廟

按常璩寧陽國志臨邛有鐵祖廟祠漢文帝以鐵銅賜侍郎鄧通通假民卓王孫歲取于足故王孫貨累巨萬億是卓氏之富借資於鄧也

騎都尉墓

西充縣志云騎都尉墓陳壽墳也一云壽妻墓壽爲騎都尉故妻亦蒙稱焉按壽除著作佐郎出補平陽令仍除著作郎領本

郡中正張寧將舉爲中書郎荀勗諷吏部遷長廣太守不就授治書御史後數歲爲太子中庶子寧陽國志云杜預表爲散騎侍郎詔以爲侍御史荀勗表爲長廣太守後再兼散騎常侍是壽爲散騎常侍未嘗爲騎都尉也志言殆妄

南蠻武相公墓

錄異記安州城東二十餘里有大墓羣賊發之數日乃開得金釵百餘枚合重百斤有石座雜寶古腰帶陳列甚多取其一帶隨手有水湧俄頃滿墓所開之處尋自閉塞盜以一釵子獻於刺史武渝夜夢一人古服侍從極多來謁云南蠻武相公也爲羣盜壞我居處以君宗姓願爲修之盜當發狂勿加禽捕卽命

修之羣盜三十餘人同時發狂相次皆卒

嚴氏溪

顏魯公離堆記云閬州之東百餘里有縣曰新政新政之南數十步有山曰離堆斗入嘉陵江上崢嶸而下洞洑不與眾山相聯屬東面有石堂焉故京兆鮮于君之所開鑿也堂有室堂北盤石之上有九曲流杯池堂南有茅齋其壁間有詩焉皆君舅著作郎嚴從君甥殿中侍御史嚴侁之等美君考槃之所作也桞杜詩嚴氏溪疑卽此地史稱閬州嚴氏子疏言鮮于叔明少孤養於外族冒姓嚴寧陽國志閬中大姓有三狐五馬蒲趙任黃嚴也

李晉王廟

蜀中多有李晉王廟澍宰興文縣西門外龍王廟旁卽晉王廟土人祀之甚謹咸以爲李克用也楊蓉裳員外修通志時于訛卷中辨其決非鶻兒仍不知晉王之果爲誰余謂明末封晉王之李定國也定國與十八先生同謀孫可望不幸謀泄十八人者同死而定國始終爲桂王百折不降旁皇交陟境上祿死以沒其人雖流寇出身而其行乃卓犖在蜀時必有保境惠民之政故民德之而立祠者多也屈大均過李獻武王祠詩曰從來賜姓者只有晉王賢卽謂定國也

馳氏穴

仁壽縣志縣北六十里有前後二冢冢上建石廟內坐男女像廟後古柏一株大可數圍前冢空濶人可出入入輒病無敢輕入者石坊書馳氏穴張氏墓六字不知誰氏丘壟也按馳九垓仁壽人成化中舉人宏治中官銅仁推官諱鞠多所平反值洞苗倡亂入巢撫諭之卒寢其變卽此馳氏塋也

晉原縣石

異苑蜀州晉原縣山亭中有大二石各徑二尺已來出地七八寸人或坐之心痛往往不救又名落星石東邊者生卽靈駿西邊者死昇諸石無異色並帶青白也

天公壇 拳叔井 一谷柴 七山簇

北夢瑣言巴蜀間于高山頂或潔地建天公壇祈水旱蓋開元中上帝所降儀法以示人也其壇或羊牛所犯及預齋者飲酒食肉多爲震死新繁人王堯因往別業村民烹豚待之有一人自天公齋迴乃卽席食肉王謂曰爾不懼雷霆耶曰我昇雷爲兄弟何懼之有王異之乃詰其所謂曰我受雷公籙與雷同職因取其籙驗之果如其說仍有數卷或畫丈夫以拳搃地爲井号拳搃井或畫一士負薪杵号一谷柴或以七手撮山簸之号七山簸江夏東村李道士舍亦有此籙或云三洞法籙外有一百二法爲天師子禁師所禁惟許救物苟邪用必上帝考責陰誅也按孫光憲所云拳搃井者如此而成都縣志云拳搃井在

縣西北相傳五丁嘗于此爲角觝戲渴甚以拳擊地泉水涌出則流俗不經之說由未知事之出雷公籙也

青石

九州要記天下青石無加於遂寧府可爲鐘磬按遂寧隨開皇十八年改爲青石縣東南五十九里有青石山

乞子石

郡國志乞子石在馬湖南岸一作崖東石腹中出一小石名勝志作流出小西石腹中懷一小石故僰人乞子于石每有驗因号焉寰宇記乞子石在戎州五里兩石夾青衣江對立如夫婦之相向故老相傳東石從西石乞子得婦故風俗記云人無子乞禱有應

按樂史之言非也在金沙江若青衣江在嘉定矣石在屏山縣七十里信呼二石爲甘酒壇懸厓中窪石壁上嵌二圓石如卵大如斗也

石走

朝野僉載寶麻元年乙巳歲資州資陽縣清弓訛一作村山有大石可三間屋大從此山下忽然吼踴下山越澗郤上坡可百步其后走時有鋤禾人見之各手持鋤趁至石卽止其石高二丈按戎幕閒談杜元穎鎮蜀年資州方丈大石走行盤礴數畝卽此事也

雙石筍

天中記孟蜀廣政中荆南高大王令邸務丁晏入蜀請畫工李文才寫義興門兩雙石筍徵其故實皆云真珠樓基或云是海眼道士范德昭曰吾聞諸至人斯乃蠶叢啟國鎮蜀之碑中以鐵柱貫之下以橫石相理埋于地際上有文字言歲時豐儉兵革水火之事諸葛曾掘驗之真珠樓基海眼皆非也蜀人少知云出方圓記校一引益州名畫記無荆南高大王字作荆南文獻王又無吾聞諸至人字又無末蜀人少知九字皆屬脫漏李文才寧陽人事後主爲翰林待詔范德昭處士也著通宗論契真刊謬論金液還丹論竝見十國春秋

蜀典卷二

李威介侯甫張澍編輯

人物類

險絕之區多生俶詭靈仙豔姿經儒文士禹配女嬌許友
嚴僖萇弘無墓洛下遺氏舉而正之以比野史

奇相

蜀檮杌曰古史云震蒙氏之女竊黃帝弔珠沈江而死化爲奇
相卽今江瀆神是也按黃帝傳云象罔得之後爲蒙氏女奇相
氏竊之沈海去爲神江贊云奇相得道史記索隱引庾仲雍江
記云帝女也卒爲江神一云江瀆神生於汶川廣雅云江神謂

之奇相十國春秋蜀王建通正元年大霖雨蜀主禱於奇相之廟錄異記鄭君雄爲遂州刺史於水東壩見旌旗布幕人物喧闐如軍行探問乃江瀆神也一統志引山海經云神生汶川馬首龍身禹導江神實佐之今經無此文疑誤引

蒙山妹嬉 岷山琬王

屈子天問云桀伐蒙山何所得妹嬉何肆湯何殛王逸注桀伐蒙山之國而得未嬉桉列女傳以爲伐有施得之師古云有施之女蓋以國語注言施爲喜姓國也淮南子亦云桀伐蒙山得妹嬉羅長源謂蒙山卽岷山非也竹書紀年注后桀十四年命扁伐岷山氏岷山女於桀二人曰琬曰王后愛之無子乃斷其

名於苕華之玉苕是琬華是王而棄其元妃於洛曰妹喜蓋蒙山所得者妹喜岷山所得者琬王皆蜀產也呂氏慎大覽桀迷惑於未嬉好彼琬王高秀註琬當作婉謂婉順阿意之人非也琬王當卽管子所云桀所愛之女華矣然蓀文類聚引紀年以琬王爲岷山莊王之二女今紀年無之而寧陽國志五茶夸發夜郎莊王之墓王遜討滅之是又一莊王也說文繫傳徐鍇按郭璞注上林賦引竹書云桀得有緒二美女刻其名於苕華之玉苕是琬華是王與今本不同疑以克有緒伐岷山爲一事也

塗山氏江州

晉太康三年地記古當塗國夏禹所娶也西南有禹鄣今九江

當塗縣有禹娶之地皇甫謐曰今九江當塗有禹廟則塗山在江南世紀云塗山氏合昏于台桑之野鍾離西七十里卽當塗縣杜預云塗山在壽春東北輿地記謂卽禹所娶塗山氏國呂氏春秋云禹娶塗山氏不以私害公自辛至甲四日復往治水故說文云九江當塗民以辛壬癸甲之日嫁娶水經注亦云江淮之信以辛壬癸甲爲嫁娶日而吳越春秋越絕等書又云禹娶會稽塗山應劭云在永興北永興今蕭山也按禹娶塗山乃蜀巴縣之塗山非壽春會稽之塗山也水經注云江州縣水北岸有塗山南有夏禹廟塗君祠廟銘存焉粵陽國志云禹娶於塗山今江州塗山是也帝禹之廟銘存焉杜預亦云巴縣有塗

山禹所娶山有禹王及塗后祠陶宏景水仙賦云塗山石帳天后翠幙指此東漢郡國志云塗山在巴郡江州爲重慶巴縣至今洞曰塗洞鄭曰塗鄭灘曰遮夫石曰啟母也寰宇記塗山在渝州巴縣東南八里岷江南岸古巴郡志山高七里周圍二十里尾接石洞峽東西約長二里許劉先主置關於此山之上鄼善長庚仲雍輩並以爲禹娶於江州之塗山夫禹之娶于蜀豈獨以生于蜀哉蓋其祖昌意爲黃帝次子娶蜀山氏昌僕生帝顓頊乾荒亦娶蜀山氏淖子禹之不得遠締姻也亦人情矣當塗山氏遠適鳴條思戀本國築乃清臺還望蜀土猶陝號峙有娀之虛章丘畱姜原之跡矣是會稽爲禹計功之地壽昌爲

大會諸侯之所均非賦雄狐九尾之處也又禹本生於石紐而蜀王本紀乃云禹母含珠孕禹坼而生於塗山舛矣顏師古漢書注引淮南子云禹治洪水過轘轅山謂塗山氏曰欲餉鼙鼓聲乃來禹化爲熊跳石誤中鼔塗山氏來見禹慚而去嵩高山下化爲石禹曰歸我子石破北方而生啟夫禹治水詎無官師役徒何至使后持餚如田婦上畦其謬不待辯而嵩陽啟母廟前有高二丈中裂之石蓋爲無稽且旣爲石矣登封之墓又何爲者考盧元明嵩高山記昔陽翟有婦人孕身三十月乃生子從母背上出五歲便入此山學道神明爲母立祠因號曰啟母祠是嵩高之祠非高密之配徒以同爲啟母因疑相混也又

卷遊錄云三門禹廟神儀侍衛極肅後殿一幢裘像侍衛皆胡人云是禹婦翁呂氏春秋塗山氏作歌以俟其伯姬是塗山氏有姊也又云禹省南土塗山氏之女令妾候禹於塗山之陽是禹有妾也楊炯少姨廟記云漢地理志嵩高少室之廟其神爲婦人像故老相傳啟母塗山之妹是塗山氏又有妹也禮緯舍文嘉云禹盡力溝洫百槩用成天降玉女一作天賜神姑聖姑未知卽指塗山氏否若世本言塗山氏名女媧連山易塗山氏名攸女古今人表名女媧大戴禮廣雅作女媧吳越春秋作女媧云

嚴僖

蜀典

卷二

人物類

四

蜀本紀嚴僖弔許由爲友蜀之道士也隱於雅州

尹吉甫子伯奇

水經注揚雄琴清英曰尹吉甫子伯奇至孝後母譖之自投江中衣苔帶藻忽夢見水仙賜其美藥思惟養親揚聲悲歌船人聞而學之吉甫聞船人之聲疑似伯奇援琴作子安之操按琴操亦言之江易今瀘州子雲蜀人以此事叙入江易是以尹氏爲江易人也明一統志云尹吉甫房陵人食采於房卒葬房之青峰山其言毫無左證鄭樵氏族畧云尹氏少昊之子封於尹城因以爲氏子孫世爲周卿士食采於尹今汾州有尹吉甫墓太平寰宇記云尹吉甫墓在南皮縣西三十里高三丈耆老傳云吉甫墓上有樹二株自有冢以來卽有此樹柯條鬱茂不覺其老俗呼年長樹則吉甫之非蜀人灼然矣夫尹氏世爲周氏宗族椒繁粥鑊遠聞而吉甫能賢涼佐中興誦聲清穆徒以掇蜂聽讒孝子被放采檣履霜頭髮早白小弁是作隕涕我辰伯封尋求爲賦忝離異鳥鳴桑棲蓋悲切曾氏作鑒不免世訾耳今瀘州志云伯奇投江後太師葬之蟠子山下歸子寺後墓尚存又云伯奇投江不沈又云吉甫夫人伯奇母馬氏有周尹夫人馬氏墓在州東尖峯山皆妄語也曹植惡鳥論言吉甫收奇未嘗投江則失之說苑獨云王國君前母子子伯奇後母子伯封亦異聞也

萇宏不葬蜀

拾遺記周靈王時有萇宏能招致神異王乃登昆昭之臺望雲氣蓊鬱忽見二人乘雲而至須髮皆黃非世俗之類也乘遊龍飛鳳之輦駕以青螭其衣皆絳緝羽毛也王卽迎之上席時天下大旱地裂火然一人先唱能爲雪霜引氣一噴則雲起雪飛坐者皆凜然宮中池水堅久可琢又設狐腋素裘紫羆文褥羆褥是西域所獻也施于臺上坐者皆溫又有一人唱能使卽席爲妥乃以指彈席上而暄風入室裘褥皆棄於臺下時有容成子諫曰大王以天下爲家而染異術使變夏改寒以誣百姓文峩周公之所不取也王乃疏萇宏而求正諫之士時異方貢玉

人石鏡此石色白如月照面如雪謂之月鏡有玉人機戾自能轉動萇宏言于王曰聖德所招也故周人以萇宏幸媚而殺之流血成石或言成碧不見其尸矣按蜀自漢以來多通術數其學蓋原於萇宏淮南汜論訓云萇宏周室之執數者也天地之氣日月之行風雨之變律麻之數無所不通然而不能自知車裂而死史記天官書云昔之傳矢數者周室史佚萇宏封禪書云萇宏以方事周靈王諸侯莫朝周周力少萇宏乃明鬼神事設狸首狸首者射諸侯之不來者依物怪欲以致諸侯諸侯不從而晉人執殺萇宏皆以殺宏在靈王時而左傳則在敬王之世夫宏依古禮以招諸侯當時來違天之議後世興依怪之誚

可謂忠不見諒矣又莊子云萇宏胞腸淮南子云萇宏鉞裂而死又云車裂而死呂氏春秋藏其血三年化爲碧玉王子年云流血爲石華陽國志萇宏之血變爲碧珠皇覽云萇宏冢在洛陽東北印山上史記集解封禪書續郡國補注曰雒陽縣東北印山有萇宏冢郡國志云周人萇宏無辜見殺今洛中有祠存謂撞鐘祠是也是周以趙鞅故殺萇宏葬于成周而蜀中碧血不知何來莊子外物篇云萇宏死于蜀埋其血三年化爲碧司馬彪注云萇宏忠而流故其血不朽而化爲碧徐鍇云道家曰積精成青碧亦精氣之所爲也宋林虧莊子口蒙云萇宏被放歸蜀剗腸而死蜀人以匱藏其血三年化爲碧玉顯與左傳國昭注叔萇宏字也灌荔文志陰陽家有萇宏十五篇

語違戾仙傳拾遺周末殺萇宏於蜀其血碧色入地化爲碧玉數里路二皆青色今蜀有青泥坊卽宏死處而韓子內儲說謂叔向讒萇宏僞爲宏書佯遺其書於周庭周以宏爲賣周也而殺之說苑亦云然時代舛錯矣萇宏左傳國語又謂之萇叔韋昭注叔萇宏字也灌荔文志陰陽家有萇宏十五篇

朱提梁氏女

揚雄蜀本紀蜀有王者出于天墮山蓋天精也朱提有梁氏女利出自江源宇納爲妃宇王于蜀号曰望帝移居鄆邑荔文類聚引蜀本紀云魚鳧始稱蜀王都鄆邑又築杜宇城因名杜宇有朱提氏朱利一曰自江源出都於玉尺隱山有女名望帝美姿色

蜀王納爲妃不習水土而卒王痛之遣五丁力士於釜都山擔土爲冢與此舛乖又以望帝爲杜宇之妻皆諸書所未言來敏本蜀論云從天下女子朱利自江源出爲宇妻

楚靈王妃巴姬

呂氏春秋晉文王西伐巴蜀國名記楚靈王妃巴姬也今果州之南充杜預云巴之江州縣桉紀年云桓王十七年楚伐巴及鄧

秦精

寧陽國志秦昭王時白虎爲害募人殺之廖仲藥何秦精等射中之桉漢書作朐臘廖仲藥秦精脫何字一本又無藥字

商瞿

桉史記弟子傳商瞿傳易于駢臂子弔子弔傳江東人矯子庸疵漢書商瞿授魯橋庇子庸子庸授江東駢臂子弓二者不同然司馬遷范華玉肅等均以商瞿爲魯人蓋商姓也瞿名也字曰子木司馬貞顏籀以爲複姓誤矣而宋祁先賢贊以爲蜀人楊慎遂謂爲蜀之瞿上人且云世本作商瞿上世本今雖不傳然諸書所引俱在並無商瞿上之文文翁石室圖亦未嘗作商瞿上近人引石室圖作商瞿上者誤從楊氏非原文也路史國名記云商瞿有瞿父鼎有商瞿氏宜爲瞿上羅氏之言蓋謂商有瞿氏以地爲氏宜出于瞿上也猶言淳姓出於淳于鍾姓出

于鍾離云爾其以商瞿爲複姓又沿索隱師古之說楊氏不知直云商瞿名上謬甚近人作雙流志遂云瞿生于瞿上鄉卒亦葬瞿上墓在縣南五十里之應天山夫因瞿上而謂商瞿爲是地人豈言偃是偃師人卜商是商丘人乎必不然矣曹學佺名勝志謂瞿受易夫子時有錦雞白鶲爲文明之象抑何坤會之甚耶猶憶往者同年霍松軒太史語余曰夫子謂商瞿年五十有五丈夫子者以眉下有卧蠶紋故也余曰以予所聞則異是易緯辨終備曰魯人商瞿使向齊國年四十今後宜作役使行遠路畏慮恐絕無子夫子正月與商瞿母筮告曰瞿當有五文夫子子貢曰何以知之子曰卦遇太畜艮之二世九二甲寅木爲

世立五景行水爲應世生外象生象來爻生互內象艮別子應有五子一子短命顏回曰何以知之曰內象是本子一艮變爲二醜三陽爻五四是五子一子短命是以知短命他以故也有訛字是夫子精易以卜知之昔魏王朗相論云仲尼之門童冠之羣不言形相抑亦難據故也是夫子不言相也霍無以答

范目

風俗通高祖封范目爲閨中慈鳧鄉侯並復除目所發賓人盧朴沓鄂夕度襲七姓不供租賦按范目一引作范自蒙晉樂志又作范因言封因爲閨中侯不言鳧慈鄉侯寧陽國志云慈鄉侯皆誤蓋目先封長安建章鄉候後封閨中慈鳧鄉侯目固辭

乃封度汚鄉侯也今志引常璩志慈下脫鳬字度汚鄉侯鄉誤作縣

扶嘉

西京雜記漢廷尉扶嘉胸膄人也初嘉母于湯溪水側遇龍後生嘉長占吉凶巧發奇中高祖爲漢王時與嘉相遇嘉勸定三秦高祖以嘉志在扶翼賜姓扶氏爲廷尉食邑胸膄嘉臨終有言曰三牛對馬嶺不出貴人出鹽井志引未注書名

張寬

按神記漢武志時張寬爲揚州刺史先是有一老翁爭山地詣州訟疆界連年不決寬視事復來寬窺二老形狀非人令卒持杖戟將入問汝等何精翁走寬呵格之化爲二蛇

羅桓

按劉寬碑陰門生名有郎中蜀郡成都羅桓吉禮漢書西羌傳蜀人羅橫應尹就募刺殺呂叔都橫或卽桓也又按晉書李壽載記有畧陽羅桓又一羅桓也

健爲郡文學卒史臣舍人

陸德明經典釋文敍錄云爾雅有健爲文學註三卷闕中卷七錄云健爲文學爾雅三卷按健爲文學卽與東方朔同時待詔詔爲隱語被榜呼譽之郭舍人也西京雜記言其善投壺爾雅疏引舍人文選羽獵賦注引作郭舍人一云健爲郡文學卒史

臣舍人又按漢書儒林傳有文學掌故當是兩官漢舊儀博士弟子射策甲科補郎中乙科補掌故而不言丙科疑丙科則文學也漢書又云擇掌故補中二千石屬文學掌故補郡屬通考注云掌故尊於文學掌故竊意下掌故二字衍文晁錯以文學爲太常掌故兒寬射策乙科爲掌故房鳳射策乙科爲太史掌故俱不言文學可證其爲兩官也王莽時甲科四十人補郎中乙科二十人補太子舍人丙科四十人補文學掌故丙科倍于乙科疑是兩官而統言之言補文學亦補掌故也而如淳注引漢儀甲科補郎中乙科補太子舍人與王莽同次補郡國文學則丙科也亦不言掌故然以如淳所引考之則郡國各自有文

學也漢書又云博士弟子通一蓆以上者補文學掌故缺有吏百石通一蓆以上者補平史按卒史秩不同中二千石二千石之卒史則秩比二百石以上及百石也郡太守卒史則比百石以下也傳所云秩比二百石以上及吏百石卽左右內史大行卒史也比百石以下卽太守卒史也皆史之倒文補中二千石屬卽左右內史大行卒史也郡屬卽郡太守卒史也亦史之異文臣瓊注卒史秩百石此以郡國卒史言之如張敞以鄉有秩補太守卒史朱邑以桐鄉嗇夫遷補太守卒史是也元帝時始置郡國五經百石卒史蔡邕傳邕書石經立太學門外号鴻都石經郡設卒史視之此卽五經百石卒史也通鑑吏通一蓆以

上者請皆選擇以爲右職胡三省注吏謂百石以上及比百石以下也右職謂中二千石之卒史也按儒林傳選擇其秩比二百石以上及吏百石此言選擇史秩與文學掌故相次者卽左右內史大行卒史也兒寬以射策爲掌故卽次補廷尉文學卒史正昆其例比百石以下卽郡太守卒史也通鑑因百石有吏字謂選擇其吏之通一崧以上者而未嘗考其前後之文義也以爲右職本出文翁傳顏注郡中高職謂掾曹之屬黃霸爲左馮翊以霸入財爲官不補右職則卒史非右職明矣又按廷尉有文學卒史則九卿應皆有之不特左右內史大行也史文特舉其例耳劉昭注續漢書百官志引應劭漢官儀河南尹百石

卒史二百五十人水經注爲妾人改作百夫吏卒近人戴震知百夫之舛仍曰百石吏卒杜佑通典三國志譌爲百戶吏卒皆非也健爲郡文學卒史臣舍人當是初爲郡文學後補太守卒史以能詆諧善投壺入爲待詔舍人也漢之卒史皆用本郡人獨三輔用它郡人祿二百石翁學士方綱以文學舍人爲二人尤謬陸德明言所注爾疋闕中卷故自釋訓以下釋草以上並無一語見釋文及諸疏惟齊民要術引釋器一條水經注引釋水二條賈酈二人著書在前必見全本也

王喬健爲人

水經注武陽北山者王喬所升之山也史記索隱顧氏案裴秀

冀州記云緜氏仙人廟者昔有王喬楗爲武陽人爲柏人令于此得仙案裴說在酈道元之前未知何據任豫蓋州記武陽縣有王喬仙處王喬祠今在縣寧陽國志楗爲郡治僰道後徙武陽王喬升其北山可知喬之爲武陽人也則緜山控鶴者非王子晉矣水經注又云梁國蒙縣薄伐城內有王子喬冢有碑題曰仙人王子喬碑曰王子喬者蓋上世之真人聞其仙不知興何伐也博問道家或言穎川或言產蒙初建此城則有斯丘是又以王子喬爲穎川蒙縣者也北夢瑣言載馬郁贈韓定求詩曰別後嶧崿山上望羨君無語對王喬仙傳言王喬爲柏人令于東北嶧崿山得道後漢書王喬河東人顯宗世爲葉令朝會無定耶

揚子雲爲北方鬼帝

西陽雜俎揚子雲爲北方鬼帝治羅酆山巖君平尙在峨眉山

蜀揚雄有二

隸釋漢繁長張禪等題名有郡掾揚雄字孟孝

揚信

劉向別錄揚信字子烏雄第二子幼而聰慧雄算糸經不會子烏令作九數而得之雄又擬易瓶羊觸藩彌日不就子烏曰大人何不云荷戟入榛楓烏爲字信爲名也而袁文褒牖閒評以揚子育而不苗者吾家之童爲句烏乎爲句謂子雲歎其子童蒙而早亾故曰烏乎卽嗚呼字且以蘇東坡張芸叟用童烏爲錯考文士傳漢桓麟答客詩曰伊彼陽烏命世稱賢客示桓麟詩亦云揚烏九齡郎中鄭固碑云大男孟子有揚烏之才此豈作歎詞解乎近人有拾其餘唾者京疏陋之甚又常璩言烏童七歲預玄文九歲而天問神篇則言九歲預玄文徵以元龍之詩言九歲者是桓譚新論曰揚子雲爲郎居長安素貧比歲亾

其兩男哀痛之皆持歸葬於蜀以此困乏雄察達聖道明於先生宜不下季札然而慕怨死子不能以義割恩自令多費而致困貧也

長卿爲蟛蜞

成都舊事王吉夜夢一蟛蜞在都亭作人語曰我翌日當舍此吉覺異之使人於都亭候之司馬長卿至吉曰此人文章橫行一世天下呼蟛蜞爲長卿卓文君一生不食蟛蜞

洛下黃闕

桓譚新論揚子雲好天文問之於洛下黃闕以渾天之說闕曰一作老工我少能作其事但隨尺寸法度殊不曉達其義後稍稍益

愈到今七十乃甫適知已又老且死矣令我兒子受業一作愛學作

之亦當復年如我乃曉知已又且復死焉其言可悲可笑也

按君山所言黃閻卽漢書所云撰太初麻之洛下閻也是洛下閻

姓黃也寧陽國志文學聘士洛下宏字長公閻中人是字長公

也史記律書注徐廣曰陳術云徵士巴郡落下閻又引益部耆

舊傳閻字長公明曉天文隱落下是落下巴郡之地名也顏師

古以爲姓洛下名閻誤矣歷世相沿莫知其非林寶鄭樵輩遂

增洛下一姓直是目不視書者晉書云落下黃閻蓋郡耆舊傳

巴郡洛下閻改顓頊歷爲太初云後八百年差一日又寧陽國

志叙陳壽云壽遂卒洛下則洛下之爲閻中地無疑漢書洛字

不从草應劭風俗通字从草云洛下姓出於臯落亦妄洛宜出
於有洛氏也見周書史記解

楊莊

西京雜記蜀人楊莊誦揚雄文于成帝成帝好之以爲似相如
案常璩序志云尙書郎楊壯成都人見揚子方言是楊莊官尙
書郎也

嚴邁

太平御覽引益部耆舊傳云嚴邁爲揚州刺史行部聞道旁女
子哭聲不哀問所哭者誰對曰夫遭燒死邁勅吏昇尸到與語
訖語吏云死人自道不燒死乃攝婦人令人守尸云當有枉吏

白有蠅聚頭所邁令披視得鐵錐貫頂考問以滌殺夫案干令升搜神記亦紀此事志沿譖作嚴遵非也遵字君平邁字王思聞中人妻張叔紀其子名羽字子翼爲徐州牧漢應季先有美嚴王思爲揚州刺史詩

瞿鵠子

李膺記云神仙傳瞿鵠子繫龍於此在新津縣圖經瞿君子鵠子後漢犍爲人入峩眉山四十年得仙乘白龍還家按莊子齊物論瞿鵠子問於長梧子是瞿鵠子非漢人也圖經之言譖太平寰宇記謂瞿君名武字鵠子舊通志云名居且均非

莊遵友惠車子

湖廣志惠車子與莊君平雅相善數遊三湘久棲南嶽

左姬

後漢書清河孝王傳殤帝崩安帝祐立帝所生母左姬字小娥小娥姊字大娥犍爲人初伯父聖坐妖言伏誅家屬沒官二娥數歲入掖庭及長並有才色小娥善史書喜辭賦和帝使諸王宮人因入清河第慶初聞其美賞傳母以求之及後幸愛盛姬妾莫比姊妹皆卒葬於京師

雙勝

寧陽國志楊敬郭孟妻楊文之女爲父報仇殺李盛欲俱亡浩合雙勝止而安慰之

吳順

師覺授孝子傳吳順字淑和犍爲人性至孝母歿負土成墳有赤鳥巢門甘露降戶澍按寧陽國志作淑和僰道人察孝廉爲永昌太守

隗相

袁山松後漢書隗相養母至孝母好飲江流相當隆冬取水後一朝橫石浮江無有難涉由是顯名按相字淑通

趙羣

蓋部耆舊傳趙羣少好遊俠行部帶劍過亭長亭長譴之嘆曰無大志故爲豎吏所輕耳於是解劍挂壁曰羣不乘輜車佩綬明閭中人子毅字仲都公府掾

楊仲續

益部耆舊傳楊統字仲通曾祖父仲續河東方正拜祁令甚有惠德人爲立祠樂蓋部風俗因畱家新都代修儒學以夏侯尚書相傳

雍陟 雍焜

漢趙相雍勸闕碑右校令望子陟朐忍令涉弟朗卯農令武都太守朗弟勸成皋令勸子焜孝廉資中長江令王侍郎昶金石

粹編叫做蜀漢非也靈帝熹平五年蠻復反擁沒太守雍陟遣御史中丞朱龜將并涼兵討之卽此人也

趙臺

隸釋漢柳敏碑云縣長同歲健爲趙臺念素帛之義爲君立碑澍案此與武班碑均爲同歲立也洪邁云一生一死而寮友之好不變如此彼有並游誣其懷金身後不能清酒者不可同日語矣

菊花仙

夷堅志成都府學有神曰菊花仙相傳爲漢宮女蓋在漢宮飲菊花酒而得仙者求名者往祈有驗或曰成都漢文翁石室壁段儒妻說在宮中時事云九日佩茱萸食蓮餌飲菊花酒令人長命菊花舒時並采茶葉雜麥米饢之至來年九月九日始熟就飲焉故謂之菊花酒是蜀之菊花仙信漢宮女也

蜀才

李鼎祚周易集解三十家有蜀才顏之推云卽范長生也李昊漢之書曰長生自稱蜀才澍按長生一名延久又名九重又名支字元壽年過百歲涪陵丹輿人李雄立拜丞相又加爲天地太師尊之曰范賢故又名賢菘林伐山云長生先事漢昭烈帝

至特時一百三十餘年方輿勝覽云范寂字無爲劉先主時栖止青城山中叱修煉爲事先主徵之不起就封爲逍遙公得長生久視之道劉禪易其宅爲長生觀仙傳言寂得久視之術年百餘歲蜀人奉爲仙稱曰長生是長生卽寂也

甘寧

韋昭吳書甘寧本南陽人其先客於巴郡寧爲吏舉計掾補蜀郡丞墳之棄官歸家桉陳壽志寧巴郡臨江人江津志漢甘寧墓在縣西五里洛溪上謂之甘谷寧爲吳將歿歸葬於此此說大非江寧志直瀆山有甘寧墓或云有王氣孫皓鑿之寧墓不在蜀明矣而太平寰宇記甘寧墓在永興縣東六十里軍山之

陽永興在鄂州其說亦誤

劉玄

孫盛蜀世譜後主太子璿璿弟瑤琮瓊讚諭璩六人蜀敗諭自殺餘皆內徙值永嘉大亂子孫絕滅惟永孫子奔蜀李雄僞署安樂公印嗣禪後永和三年討李勢盛參戎見見立於成都也

增參

搜神記增參養母至孝曾有子鶴爲戎人所射窮而歸參參收養療治瘡愈放之後鶴夜到門外參秉燭視鶴雌雄雙至各銜明月珠報參其珠鬻數萬緡參家遂富按增參事亦見述異記及孝子傳又梁四公記杰公亦言增參鶴珠當係魏晉時人太

平寰字志云仁壽縣東南六十里有牢固冢高一丈五尺簪蒯參至孝葬母於此修墳牢固也噲作蒯誤通志沿之非矣

賈似

魏略云盤越國一名漢越王在天竺東南數里與益部相近其人小與中國人等蜀人賈似至焉

帛仲理

郡國志云瀘水西南有帛仲理墓墓前有祠堂碑題曰真人帛君之表晉永寧二年立桉水經注晉有帛仲理碑題曰真人帛君之表仲理名護益州巴郡人葛洪神仙傳以帛仲理爲遼東人水經注又云無終山帛仲理所合神丹處於是山作金五千

斤以救百姓又云隆慮山帛仲理之所遊神也

僧靜

法苑珠林西晉蜀郡沙門僧靜以苦行致目爲蜀三賢寺主誦法華經尋常山中誦經時至每感虎來蹲前聽部訖乃去常至諷詠輒見左右四人爲侍

馬自然

于逖聞奇錄馬自然貌醜齶鼻禿鬢大口飲酒石餘醉臥卽以拳入口人有疾病告之折薪草呵而與食無不差者嘗吟曰簪日曾遊魏伯陽無端醉臥紫金牀東君謂我多情嬾罰向人間作酒狂後住梓州上昇桉自然名湘杭州鹽官人好經史嘗墮

雪溪經日方出坐水面言曰適爲項羽招飲復南遊歸鄉省兄嫂兄適外出三日而湘卒後劍州奏梓潼道士馬自然上昇勅浙西刺史覆視之啟棺惟一竹杖

輔神通

廣異記道士輔神通者家在蜀州幼而孤貧恆爲人牧牛叱自給後見一道士命爲弟子引入水中有屋宇俾守丹竈兼教黃白之術後伺道士不在盜大還丹爲所逐出蜀州刺史奏神通曉黃白乎宗試之皆驗

曇憑造銅鐘

冥祥記釋曇憑姓楊犍爲南安人少遊京師學轉讚止白馬寺

音調甚工而過且自任時人未之推也於是專精規矩更加研尋晚遂出郡翕然改觀誦三本起經尤善其聲後還蜀止龍淵寺巴漢懷音者皆崇其聲範每梵音一吐輒象馬悲鳴因製造銅鐘於未來常有八音四辯庸蜀有銅鐘始於此也

李白子女

楊天惠彰明遺事李白子曰伯禽女曰平陽按李白子伯禽女平陽見綿州刺史高祝記女平陽又見柳亭詩話而侯鯖錄載白詩云既死明月魄無復玻璃魂注明月玻璃李白二子名又白有妹名月圓亦見高祝記也魏顥李翰林集敘載白初娶許生子曰明月奴又合于魯一婦人生子曰玻璃明金皋太白祠

記言白無子一女嫁民間二孫女歸江左民家非也唐范正傳李白新墓誌白孫女二人一爲陳雲之室一爲劉勸之妻皆編戶氓召問之曰父伯禽臥貞元八年不祿而卒有兄一人出遊十二年不知所在太平廣記貞元五年李白子伯禽充嘉興監徐浦下場糴鹽官戲侮蔡侍郎廟神女而卒事出通幽錄

蕃蠡

李膺益州記蕃蠡學道于麗元山昇仙丽元作漓沅也案元和志麗元山在新都縣北八里唐志九隴縣有漓沅山在縣北六十里蕃蠡卽蕃釐取玉二方一白一赤種於揚州白爲瓊花紅爲玫瑰遂建觀名蕃釐也

蜀有二姜發

晉書載記李特至成都縱兵大掠害西羌護軍姜發舊唐書白居易傳蜀客姜發授秋思聲甚澹

刺道元

太平寰宇記云玉女井在劍州望仙橋下東齊道人刺道元與一女子居井旁煉丹同上升

余朱洞

續博物志余朱先生僞蜀廣政中飲酒食猪臘渝州刺史謂其幻惑呂竹籠盛之沈諸江至夔爲漁人所得上昇巖補闕得青金丹方朱桃椎薛稷圖其形傳于世按余朱先生名洞字通微

余朱榮族弟在蜀時與陳復休相善号歸元子神仙傳洞賣丹藥于成都市每粒要錢十二萬太守欲買之洞曰太守金多非百二十萬不可太守怒命納竹籠沉于江大寧石鐘山有余朱先生丹爐十國春秋以爲服藥輕舉也

郭襄氏 賣香薛翁 治箋箱麥

王伯厚因學紀聞曰譙定天授之學得於蜀襄氏夸族袁溉道潔之學得于富順監賣香薛翁故曰學無常師按程迥曰定涪州人嘗受易于羌中郭載載告以見乃謂之象與擬議以成變化之義郭本蜀人其學傳自嚴君平又按宋史襄上本有郭字世家南平非裔族漸作滋閩人香作醬遇于邛睂間二程子所

見則成都治箋箱麥郭襄氏及箋麥醬翁皆蜀之隱君子故伊川曰易學在蜀

三王

宋開禧初知縣薛紱建志云廢灌源縣東有唐三王墓唐史邛黎間有三蠻王使伺南蠻卒葬於此蓋恭化王劉志遠和義王都全信遂寧王楊清遠也北夢瑣言沈黎之間有淺蠻爲世襲王号曰劉王楊王郝王歲支西川衣賜三十金俾儻雲南動靜雲南亦資其覘成都盈虛恆持兩端而求利焉

器
明

卷
二

